



**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 27. Duo præcipitati ex equo à morte reuocantur.

[urn:nbn:de:hbz:466:1-64112](#)

Duo præcipiti ruina ex equo periclitantes à morte reuocantur. Cap. XXVII.

Minus illustre si personas conferas, si res ipsas, magis admirabile exstirrit, quod paucis ante annis acciderat. D. Susanna Iacobi Thainonii Cortauellenis equitis nobilis coniux fuit. hæc ab equo cui insidebat excussa, affictaque ad terram, ad ultimum periculum venerat. Namque ossibus, quæ fractis quæ luxatis, omnes amiserat sensus. Ad hæc membra vitalis pene destituerat calor. Itaque desperata à peritissimis medicis corporis salute, Sacerdos salutem curabat animi, moribundam de more Deo Diuisque commendans, & lustrali subinde respergens aqua. Interim Iacobus carissimæ vxoris vicem sollicitus, templum proximum intrat. Ibi positis genibus, oculos pariter manusque tollit in coelum: lacrymansque enixe Lauretanam inuocat Virginem: votum precibus miscet, se ad Lauretanam Aedem iturum, si sua ope seruet eam, quā nulla vis humana seruare possit. Nec irritum fuit votum. Vix dum plane id vouerat, cum mulier habere melius cœpit, ac breui consanatis diuinitus ossibus membrisque conualuit. Eques igitur voti memor anno M. D. LXXV. (qui anno Iubilæo celebris & insignis fuit) Lauretum cum uxore contendit. Laminamque argenteam cum Lauretanæ Virginis effigie, quam hinc viri, hinc mulieris imago supplex orat, votuum donum Deiparae tulit. Additus laminæ titulus, qui totam rem breuiter exponit, miraculi ad posteros monumentum. Huic aliud consimile eodem tempore. Nicolaus Pauonius ciuis Cataensis nobilis erat. Is cum eques exercebat inter æquales, corridente ab rapido cursu equo, effusus in terram confracto corpore, brachio etiam comminuto iacuerat exanimis. Exspiranti simul famuli excipiunt, domumque referunt haud fa-

*Ann. Laur.
Rier.
D. Susanna
Thainonia
à morte re-
uocatur.*

*Nicolaus
Pauonius
ab interitu
liberatus.*

D d 2 tis

tis compotem mentis. Adhibentur confessim medici, qui mali magnitudine vici, actum de illo esse pronunciant. Pauonius ergo amicorum suasu, B. Mariam Lauretanam implorat, vouens salute recuperata, ad eam salutandam esse venturum. Votum iucundissimus somnus exceptit. In somnis Lauretanæ Virginis obuersata species, quæ affectos iacentis artus manu contrectas repente sanaret. Haud vanum fuisse somnium ostendit eventus. Nicolaus è somno, euigilans, membra persanata comperit. Extemplo igitur exilit latus è lectulo, Lauretum accurrit, votum exsoluit.

Quidam ex inimicorum manibus ereptus, quamvis duodecim mortiferis plagis acceptis, diuinitus sanatur. Cap. XXVIII.

*Anna. Laur.
Rier.*

Sequitur aliud in alio genere, admiratione præcipuum. Ioannes Philippus Ambrosius Neapolitanus tenuire, sed magna religione erga B. Virginem fuit. Is anno huius seculi LXXVIII. inermis inciderat in armatos inimicos, à quibus quam tumultuosissime circumuentus cædebat ad necem. Iam vulneribus confossus haud procul exitio aberat: nec quisquam opem misero ferebat; & illi animis, armisque infestis non prius cædendi sinem facturi erant, quam penitus extinctum cernerent. Ambrosius ergo medie iam in morte, Lauretanam Virginem venerabundus inquit. Nec frustra missæ preces. Extemplo è saeuentium manibus diuina vi ereptus præsentem interitum evadit. Ipse metu (quod postea narravit) sublimem inde se diuinitus auferri sensit ad teli iactum: ubi exceptus à notis, exsanguis ac semianimis desertus domum. Nec tam vitæ discriminem euafisset, nisi nouam in eodem periculo Beatæ Mariæ sensisset opem. Duodecim numero acceperat plagas, plerasque mortiferas, quibus inspectis medici de eius salute penitus desperabant. At ille cœlestis

212 a b C

ftis

